



世說新語補考卷下

出雲教授 桃源藏子澂著

品藻上加品目也藻

汝南陳仲舉穎川李元禮二人句共論其功德 諸人相
共論二人功德也。

註八及 後漢書八及者言其能導人追宗者也。

顧劭嘗與龐士元宿語章

註好樂人倫 好擬議人物也。禮曲禮。擬人必于其倫。

邊文禮才辨俊逸章○為單衣襜褕則有餘 觸云。襜褕。

單也。故有餘。○按揚雄方言。禪衣。江淮南楚之間謂之禪。

關之東西謂之單衣。古謂之深衣。襜褕。江淮南楚謂之禪。

簡云攝總持也

郭林宗至汝南

章簡云

軌車轍也簡云

也言不移時而還

也汪深廣也百

畝曰頃陂池也

仲任曰軌車軌

也倚伏也虎子語

裕自關而西謂之襜褕。顏師古漢書註。襜褕直裾單衣也。方以智通雅或以襜褕為蔽膝。此特拘衣蔽前謂之襜耳。孔文舉以邊文禮為九列被則不足為襜褕則有餘。言遮一身也。豈蔽膝乎。據此單衣襜褕二物也。其製皆不如寢衣長大。故曰有餘。非單故有餘也。

註 悁邑 邑與悁通。忿憂也。王逸九思。忿悁悁兮孰訴

告。○子奇終無阿宰之功。劉向新序。子奇年十八。齊

君使主東阿。阿縣大化。

陳元龍使功曹陳季弼詣許章

註 九宮一算之術 圖翼九宮。即洛書數。戴九履一。左三右七。二四為肩。六八為足。五居中央也。此數上中下三層。橫皆十五。左中右三層。縱皆十五。巽中乾。坤中艮。

籀云許都也
仲任曰晉都
在許

四隅皆十五。故奇門家曰縱橫十五在其中也。綱目集覽。易緯乾鑿度曰。太一取其數以行九宮。鄭氏曰。太一者。北辰神名也。下行八卦之宮。每四乃還於中央。中央者。北辰所居。故謂之九宮。其行從坎宮起。歷坤震巽三宮。而還於中央之宮。既又下於乾宮。歷兌艮離三宮。而還於中央之宮。行則周矣。吳志。此術微妙。頭乘尾除。一算之法。父母不相語。及死。孫權聞達有書。求之不得。乃發其棺。一無所得。法遂絕焉。

晉武與胡威語次章

註 少飯 說文長箋。正飯之後有小飯。如茶點之類。

王平子嘗行經陳留郡界章。○甲乙等 甲乙猶某某也。

○亦復知此 知當作如

註 俊才白衣 白衣謂布衣士也。

王大將軍在西朝時章

註 季倫斬妓曾無異色 季倫石崇字古世說石崇燕

集令美人行酒客飲酒不盡者使黃門斬美人王敦嘗

詣崇固不飲已斬三人顏色如故晉書王敦傳王愷嘗

置酒王敦在坐有女伎吹笛小失聲韻愷便歐殺之一

坐失色敦自若○傲很 很音懇戾也一本作徽狼誤

會稽虞駿 駿與駢同

註 至行 晉書至作素○吳興守 晉書守上有大字

○取其音符 晉書符作守

明帝問周伯仁章○如有功夫 觸云功與工通工夫猶

云開暢也○按功夫用力也魏王肅上疏治道功夫戰士

悉作南史王僧處傳僧處論書曰宋文帝自言可比王子

敬時議者云天然勝羊欣功夫少於欣朱紫陽讀書法六

經工夫多而收効少論孟工夫少而收効多

王大將軍下章○左右躡公 史記淮陰侯傳漢王大怒

韓信張良陳平躡漢王足因附耳語漢王亦悟

人問丞相章○嵯蘩 與槎蘩同前漢貨殖傳山不槎蘩

師古註。𦉑古槎字。邪斫木也。蘩髡斬之也。或作槎梓。晉書

王羲之傳。槎梓而無屈伸。

品藻下

明帝問謝鯤 時明帝在東宮○端委 玄端服委貌冠

○一丘一壑 文海披沙黃帝將適昆吾之丘中道而遇

容成子乘翠華之蓋建日月之旗驂紫虬御雙鳥黃帝命

也計校。觴曰財物。

世說新語卷之十一
方明邀於路。容成子曰。吾將棲於一丘。釣於一壑。謝幼輿語。蓋有所本也。○按班固叙傳。亦用此語。班嗣曰。漁釣於一壑。則萬物不奸其志。栖遲於一丘。則天下不易其樂。世論温太真章。○温常失色。劉應登云。恐不及已。王丞相云章。○恒令人得上。劉應登云。得上。亦足以發也。○唯舉手指地曰正自爾馨。觴云。何聞王之言。輒只舉手指地曰正自如此。無復言論。○按唯舉手指地曰。記者之言。謂王導舉手指地也。與論語指其掌一例。又按何充與時賢好尚不同。王濛劉惔嘗與支道共看充。充看文書不顧之。則其談必實而不浮者。是王導所以下氣如地。亦所以謂繼己為相。

劉尹撫王長史背章。○阿奴。恐亦親狎之詞。不必王濛。

小字。○都長。觴云。都總也。註訓美非也。此非劉孝標注。所謂為俗子撓入者也。○按袁彥伯三國名臣贊。子瑜都長。李善注。都長。謂體貌都閑而雅性長厚也。亦讀都為閑雅甚都之都。與此註合。則此註非俗子撓入者也。桓公問孔西陽章。○安石居然不可陵踐其處。十字一句。居然。解見言語中篇。其處。指風神所持。觴云。安石之高路處。不可陵踐之。謬矣。王右軍問許玄度章。○安石故相為雄阿萬。句當裂眼爭邪。裂眼。苦爭之狀。言安石故相為雄於阿萬。則玄度當裂眼。爭優劣也。邪。如任誕篇汝故當不辨作袁彥道邪之邪。一說。當邪。如卿直以折簡召我。我當不至邪。之當邪。郗嘉賓問曰章。○勤著脚。苦走之狀。○正爾有超拔。

世說新語補考 卷之十一

觸云。爾指辭猶其也。晉人語也。○按爾如是也。通鑑魏紀。正爾自當得之。胡三省注。正爾猶言正如是也。又曰。燕王正爾為胡三省注。為事正如是也。

庾道季云章。○雖千載上死人。死一作使非。○厭厭厭讀為壓。閉藏貌。

謝公問王子敬章。○固當不同。觸云。其意不及父。○外人論殊不爾。觸云。外或云獻之勝羲之。○按固當不同。据註。獻之自謂勝父。此語亦其意耳。謝悟之。故曰外人論殊不爾也。外人論獻之不及父。子敬曰外人那得知。是不平之詞。

註妙絕時論 一本論作倫

王子猷子敬兄弟章

註北宮五王 光武子沛王等五王居北宮皆好賓客

時稱北宮五王。○陰就。光武后光烈陰氏弟。○駕人

車 後漢書註引帝王紀。桀以人駕車。

王子敬問謝公章。○鈔撮 量法。六十四黍曰圭。四圭為

撮。三撮為抄。劉辰翁云。鈔撮猶掇拾。

齊太祖竒愛張思光章。○不可有二 言有二人則不竒也。非難得之謂。

齊神武言 神武北齊祖高歡。

註自中興迄於孝武 中興元魏後廢帝年號。孝武元

魏出帝。

霍王元軌臨徐州章

註漢之間平 景帝子河間獻王德。光武子東平王蒼。

中宗正月晦日幸昆明池賦詩章○宋猶陡健舉 正韻
陡音斗。頓也。一本作陡誤。

註牙緋

牙笏緋袍

沈佺期詞。姓名雖蒙齒錄。袍笏未復牙緋。

宋世嘗目莊周為道家之儀秦章

註高似孫

趙宋人○道德三千言

史記道德五千

言○意空一塵

謂歸之無也。觸云。僅隔一塵也。非○

不亦愬愬乎

愬與忤通。憂懼也。○特不可免。句於中

於中當屬下句讀。觸屬上句讀。誤。

規箴上。

蜀先主嘗因早儉禁酒章

註跌宕

無儀檢也。楊雄自叙。雄為人跌宕。

王夷甫婦章○干豫人事

人事。外事。男子所治。婦而預

之。所謂北雞之晨也。觸以人事為問遺宴會。未允。

王夷甫雅尚玄遠章○舉卻阿堵物 阿堵物猶言此物。

夷甫口未嘗言錢字。至此猶言阿堵物而已。

謝鯤為豫章太守章○余不得復為盛德之事矣 胡三

省通鑑註。王敦無君之心。形於言也。○但使自今已後日

亡日去耳 胡三省通鑑註。言日復一日。浸忘前事。則君

臣猜嫌之迹。亦日去耳。

王右軍與王敬仁許玄度竝善章○為論議更克 克與

刻通。謂駁二亡友更慘覈也。觸云。克勝也。非。

規箴下

郝太尉晚節好談章○便言方當乖別 郝鑿便言方當

乖別也。○王公攝其次 其次。方當乖別之次也。攝。代也。

○水衿 衿與襟同。水衿蓋謂襟懷水結也。郝為王所折。襟懷不得融散。故凝結如水耳。觸云。言懷抱冷也。通雅亦有此說。恐非。

桓南郡好獵章○雙甄 字典。甄。陣名。兩甄猶兩翼也。左傳文十年。宋公道楚于田孟諸。註。將獵張兩甄。故置左右司馬。

註偽楚 桓玄反。自稱楚王。遷安帝于尋陽。

殷顛病困看人政見半面 劉應登云。見半面。病狀也。○屬以消息所患 屬與囑通。息。生長之義。消息。消除疾病。息。長元氣也。通鑑齊紀。宴於禁中。至夜皆醉。各就別所消息。胡三省註。令各就便安之處。消酒毒而息真氣。

註守局 局。職分也。○退不敢異 言我雖進不敢同。

於汝而退不敢異於汝。但守我職分耳。觸云。退不敢異於我所守。非也。

王緒王國寶章○歛歛 歛許勿切。說文有所吹起也。元包經。趨歛歛。傳動也。

王國寶構謝太傅於孝武帝章○一弄 字典。樂曲曰弄。

○便串 串與慣通。習也。○帝令召之 晉書。帝彌賞其放率。乃許召之。○使君於此處不凡 觸云。安初為吳興太守。故稱使君。不凡。不尋常事也。謂有關於此詩也。晉書作不免。○按此謝越席就桓。將桓鬚而發此言也。非桓言也。蕪東坡詩。猶許攬桓鬚是也。桓嘗為豫州刺史。謝陳郡陽夏人。陳郡屬豫州。故呼桓為使君。時帝浸疑謝。子野為撫箏而歌。曹子建怨詩。以諷諫帝。是非常人所能。故曰於

此處不凡也。余所見晉書並作不凡。太平御覽樂部引晉書亦作不凡。或作不免者。誤耳。

王仲寶小時章

註魏陽元之射王汝南之騎。魏舒字陽元善射。未嘗

言射事。王湛稱汝南。姪濟不知其善騎。○隱心。李善

註隱度也。○所藏。藏與臧通。

顏延之兒竣既貴重章。○要人。綱目集覽謂權貴。

齊武帝時章。○曲宴。卓氏藻林私宴也。○以貂抄肉拌

綱目集覽侍中中常侍之冠。以貂尾為飾。抄平聲。略拂

過也。拌與繫同。

王長史至性凝簡章

註輜輶填咽。輜輶釋名四面屏蔽婦人所乘車也。咽

與噎通。填噎充塞於街也。南史上有朔望來歸一句。○

諸宅。諸子之宅也。卓氏藻林子舍。諸子之舍。若今言

諸房也。○鄭公業。鄭太字公業。後漢人。

齊高宗從弟李敞。高宗明帝。○王思遠。南史帝使李

敞詣思遠見禮度。

註彌縫。補合也。左傳彌縫其闕。

陳江列諸子章。○休尚。頭達子。○麀尾蠅拂。綱目註

麀似鹿而大。尾可為拂而揮蠅。宋書高祖壁上掛麻蠅拂。

註敬則。王敬則。

湘東王繹入援臺城。時侯景挾簡文據臺城。簡文並有

綱目質實。臺城本吳後苑城。即晉建康宮城也。龍川集云。

臺城在鍾阜側。其地據高以臨下。東環平岡以為安。西城

石頭以為重。帶玄武湖以為險。擁秦淮青溪以為阻。○雙
陸。鱮云。魏陳思王製雙陸局。置骰子二。○按綱目集覽。
以異木為方檠。檠中彼此內外各有六梁。故名雙六。其打
馬棧子。視明瓊為標的。始於西竺。流於曹魏。盛於梁陳魏
齊隋唐間。或曰。曹魏陳思王所製。非也。五雜俎。雙六。本胡
戲也。胡王有弟一人得罪。將殺之。其弟於獄中為此戲以
上。其意言孤則為人所擊。以諷王也。子隨骰行。若得雙六。
則無不勝也。故曰雙六。○食子未即下。鱮云。子。骰子也。
○按綱目集覽。食。打取也。子。馬也。未下。謂馬被打起而未
得入檠也。雙六檠中彼此各十二梁。白黑各十五馬。此馬
單。則彼馬得打。兩馬相比為梁。成梁所以避打也。有馬遭
打。則餘馬俱不得動。必俟所打馬復下。然後餘馬得行。仍

須彼內六梁中有空位。而瓊色值之。方可下也。其布道那
移之訣。詳見江湖聞見錄。

註綱弒棟廢。簡文帝諱綱。豫章王名棟。

高宗出獵遇雨。章○以瓦為之。則不漏。意言在瓦屋之
殿而不出。則不為雨所濕也。

蕭至忠依太平公主復當國。一本復字上有後字。

註睿宗。當作玄宗。

陳恭公判亳州遇生日。宋史。公再罷。政判亳州。年六十
九。遇生日。韻會。宰相出典列曰判。

註就第。類書纂要。致仕歸家。謂之就第。○嘉置弧北。
指一大星為老人星。太平御覽引元命苞。無嘉置二
字。而有直字。按老人星在弧南。元命苞云。直弧北。文疑

有誤。史記天官書：狼下有四星，曰弧。直狼，狼比地，有大星，曰南極老人。晉灼曰：此地近地也。

捷悟

楊德祖為魏武主簿章

註：修常白事。常讀曰嘗。○勅守者。魏志：敕守舍兒。

書叙指南。看家人曰：守舍兒。○若按云云。若汝也。

魏武嘗過曹娥碑下。文海披沙。曹娥碑在會稽中。曹操

未嘗南行至此。何由得見。卽劉孝標注亦疑此。余按三國

志演義中載：操征漢中時，過蔡琰，在。見有碑刻云云。此雖

小說，於理為近。足破千古之疑。又按典略：以為陳太丘碑。

當亦以前事矛盾，故更之耳。不知黃絹語出李北海。曹娥

碑。當時下筆，必有考據。

註：漢安。後漢順帝年号。○五君。古文苑載曹娥碑。

五作伍。註：伍子胥為濤神。○邯鄲子禮。古文苑註引

會稽典錄：度尚弟子邯鄲淳字子禮。作曹娥碑。

楊德祖為主簿時章。○雞肋。觸肋音斤。肉之力也。○按

雞肋之肋音勒。脅骨也。蘇東坡視新河作用職韻第十四

句曰：此事何殊食雞肋。

王敦引軍垂至大桁。晉書：時王敦病篤，使王含行。字典

桁與航同。浮橋也。○明帝自出中堂。溫史：朱史並出作

屯。函史：帝止南皇堂。胡三省通鑑註：按蕭子顯齊書：高帝

紀：桂陽王休範之反，諸貴會議。帝曰：中堂舊是置兵地。領

軍宜屯宣陽門為諸軍節度。則中堂當在宣陽門外。晉都

建康外城環之以籬，諸門皆用洛城門名。宣陽門在城南

面。○故未斷。故猶也。

註朱雀橋。金陵覽古。晉孝武建朱雀門。上有兩銅雀。故橋亦以此得名。去烏衣巷不遠。胡三省通鑑註。朱雀橋在吳。建業宮城之南。跨秦淮水。亦曰大桁。自吳以來有之。蓋取前朱雀之義。非晉孝武之時始有此名也。函史。溫嶠燒朱雀橋。帝大怒。嶠曰。今宿衛單寡。徵外兵未至。若賊驟勝。社稷不保。陛下何愛一橋。○敢飲。敢一作噉。

郗司空在北府。胡三省通鑑註。晉都建康。以京口為北府。歷陽為西府。姑孰為南列。○嘉賓。郗愔子。時為桓溫參軍。○轉公督五郡會稽太守。臚云。公爵也。晉職官志云。諸公及開府位從公者。品秩第一品。○按郗愔司空。故

稱公耳。非此時賜公爵也。此章首云郗司空。次云郗。末不復云郗者。文在世子嘉賓後有所嫌也。

註表求。句蓋猶表請也。○申勸。蓋猶言敦喻也。屬下句讀綱目。桓溫請與徐兗刺史郗愔。豫州刺史袁真等伐燕。○嚴辨。綱目集覽。凡治行李曰嚴辨。

梁時有沙門訟田。○貞文字為與上人。與當作与。与同與。說文。賜予也。貞文三裂。上与人。故解為与。上人。

註醜。音子公切。

祖元珍為彭城王參軍章。○吳子。王肅初仕南朝。父為齊武所殺。來奔于魏。南朝即吳國。故呼肅為吳子。令狐相鎮淮海日章。○文使。考見識鑿篇。

風惠

世言采言不考 卷之十一
賓客詣陳太丘宿章○炊志著算 箸附也。算音閉。說文。蔽也。所以蔽翫底○炊何不餽 餽音溜。玉篇。飯氣蒸也。徐孺子年九歲章

註蟾蜍亦陰也 太平御覽引五經通議作蟾蜍陽也。黃子琰少即辨惠章

註會江夏上蠻賊事句副府 副府與上書副本於司空府也。綱目集覽漢故事諸上書者皆為二封。署其一曰副。領尚書者先發副封。所言不善屏去不奏。

孔文舉年十歲章○師資 老子善人者不善人之師。不善人者善人之資。不貴其師。不愛其資。雖智大迷。

孔融被收章○琢釘戲 觸云釘讀為丁。凡玉珮鐵馬聲及金石擊物聲皆曰丁。當琢釘蓋碁子著局之聲也。○按

琢釘未詳。或云禮喪大記君裏棺用朱綠。用雜金。錯鄭玄註錯所以琢著裏。疏錯釘也。用金釘以琢朱綠著棺也。陸氏音義琢陟角切。本又作椽。据之。琢釘者以釘琢著物也。小兒嬉戲故當有此等事。未知允否。又或云琢與椽通。釘與丁通。椽丁碁子著局之聲。蓋取諸詩周南椽之丁丁。此同觸說。而有所據。並存備考。

孫策年十四章○但得轉顧視孫足下行九字 孫足下行。謂孫策之足降於東階也。

張純張儼朱異章○騶裏 司馬相如上林賦胃騶裏註。騶裏神馬。日行萬里。

註縞帶之好 季札子產事見左傳○本知季文愴定視之復過所聞 觸云愴定不成義。疑當作會定。會定

世說新語補考 卷之十一

猶云默定也。○按猶或作狹。快亦可作愴。快爽也。利也。司馬宣王謂山濤為快人。是也。愴字絕句。定字屬下句。讀文義自明。

何晏七歲章

註秦宜祿阿驃。一本作秦宜祿兒阿鯁。魏志註引魏畧。其時秦宜祿兒阿蕪亦隨母在公家。並見寵如公子。蕪即朗也。

王戎年七歲時嘗與諸小兒遊矚。看道邊李樹有子板折。遊矚即遊覽遊觀遊眺之類。觸矚字屬下句讀。恐非。板當作枝。刊誤也。晉書看道邊李樹子多折枝。

張玄之顧敷章。○張頗不慝。慝足也。不慝情不滿足也。故見佛弟子像有被親故泣。不被親故不泣之語。觸云不

板作枝誤板同
變于也

慝謂不若愛顧敷之深也。謬矣。○見佛般泥洹像。般音鉢。泥洹即涅槃也。翻譯妙義集。摩訶般涅槃那。此云大滅度。

註諸三學人僉然不樂。郁伊交涕。諸無學人但念諸法。一切無常。三學人修學戒律禪定智慧三法之人。僉然一本作默然是。智度論作嘿然。嘿與默同。郁伊。智度論作啞啞。愁康琴賦。含哀悞伊。不能自禁。註悞伊音郁伊。內悲也。此用郁伊字。義同。觸云。郁伊流涕貌。非也。但念諸法。智度論念下有有為二字。時於俱夷那竭國薩羅。雙樹間北首卧。將入涅槃云云。諸人等啼哭。諸天憂愁。諸無學人。念有為諸法。一切無常云云。音釋。啞乙六切。同噢。啞因脂切。啞伊悲也。

孫齊由齊莊二人章。○公問齊由何字。觸云。本當云問。

潛而云問齊由。此記者之辭。猶左傳稱桓公自莒先入也。
○按此謂公問於齊由以表字云何也。非呼其字之謂。下文齊莊何字。無問字者。屬上問字也。若庾公呼此兒。當云君也。孔文舉年十歲。李元禮呼之曰君。楊氏兒九歲。孔君平呼之曰君之類是也。

韓康伯數歲家酷貧。章○複幘。複衣有裏也。幘與禕同。貫兩脚上繫腰中也。

簡文崩章○立至暝不臨。暝與冥同。夜也。臨去聲。哭也。蘇頌年五歲。章○常過其父。常讀曰嘗。

註長安中。長安。武后年號。○崑崙奴。晉孝武帝李太后。形長而色黑。宮人皆謂之崑崙。又宋武帝寵一崑崙奴。綱目註。此奴色黑而長也。按此云崑崙奴。蓋謂崑崙人。○及上平內難。謂玄宗誅韋氏也。○制詔無非題出。句。題出。出於題手也。○代稱小許公也。代世也。題襲父爵為許公。故稱小許公。

嚴挺之薄妻而愛其子武。○寢陋。寢與寢通。醜惡也。○抵言。前漢田延年傳。延年抵。曰。無有此事。註。抵。拒諱也。綱目。後漢光武紀。吏抵言於長壽街上得之。註。抵言。托辭也。

註昂藏。卓氏藻林。軒昂貌。開元間章○固應耳。猶言故當然耳也。岳柱年八歲時章○金釧。釧尺絹切。臂環也。正字通。古男女同用。今唯女飾有之。

註至大中授集賢學士。至大。元武宗年號。

豪爽

王大將軍年少時章○語音亦楚 劉辰翁云。王敦楚語
○知擊鼓吹 晉書無吹字。

王大將軍始欲下都處分樹置章○槩脚 槩。矛也。蓋謂
以矛刺其脚而強令上也。時帝都在江左。自西北來者順
流而下。故自西北來曰下。還西北曰上。

桓宣武平蜀章○李勢殿 李勢。後蜀第六主。時溫滅之。
桓公讀高士傳章○溪刻自處 晏子春秋。溪。蓋而不苛。

刻廉而不劇。按說文。山瀆無所通曰溪。爾雅疏。蓋。瓦器也。
可以盛水盛酒。或云。蓋當是隘字之轉誤。要之。溪蓋。蓋謂
不寬裕也。此言溪刻。豈出於溪蓋刻廉乎。通雅。人之谿刻
曰跂落。音各曰窶數。按釋名。窶數猶局促。蓋刻廉則不寬

也。劇居衛切利傷

裕。故合為局促意耳。觶云。莊子。婦姑勃谿。註。谿。反戾也。與
此溪義同。彼言婦姑相反戾。此言反戾於人情也。恐非

王右軍為會稽內史章○乞牋紙 乞欺訖切來也○乞
謝公 乞丘既切。音器。與人物也。

桓石虔章○枋頭 地名。時沒苻秦。○以名斷瘡 觶云。
取其鎮惡。○按石虔壯猛。北人畏之。故呼其名以斷瘡耳。

非取鎮惡之義也。南史。齊桓康摧堅陷陣。旅力絕人。江南
人畏之。以其名怖小兒。畫其形於寺中。病瘡者寫形帖著

牀壁。無不立愈。亦同石虔事。

桓玄西下章○在平乘上 觶云。平乘。坐乘車也。謂之安
車。古者惟王后有安車。自漢以來。乘輿乃有之。○按平乘。
船名。輕詆篇。桓溫入洛。過淮泗。踐北境。與諸僚屬登平乘

樓。眺矚中原。胡三省通鑑註。平乘樓。大船之樓。隋書。楊素伐陳。坐平乘大船。容貌雄偉。是也。桓玄篡位。揚波大江。豈乘安車時耶。

宗元幹小時章。○長風。字典。長大也。引此

註。涅人。涅下脫陽字。涅一作沮誤。

李永和杜門却掃章

註。青成藍。藍謝青。師何常在明經。言能明經。則師反。

請業。師何有常乎。但在明經耳。青經為韻。語體故然。觴云。在明經。選在明經科也。截斷語尾。以為傳文。謬甚。

蘓子美豪放不羈章。○滿引一大白。漢書叙傳。引滿舉白。師古註。謂引取滿觴而飲。白者。罰爵之名。說苑。魏文侯與大夫飲酒。令曰。飲不酌者。浮以大白。○下物。飲儲也。

類書纂要。飲儲。下酒之物。遊仙窟。將下酒物來。

註。進奏院。宋史職官志。進奏院。隸給事中。掌受詔敕。

及三省樞密院。宣劄。六曹寺監百司符牒。頒于諸路。凡章奏至。則具事目。上門下省。若案牘及申稟文書。則分

納諸官司。凡奏牘違戾法式者。貼說以進。○舜欽輦鬻故紙公錢。召妓樂會客。宋史。會進奏院祠神。舜欽與

右班殿直劉巽。輒用鬻故紙公錢。召妓樂。間多會賓客。輦專也。鬻進奏院故紙。而所得錢。故曰公錢也。○廉得之。字典。廉。察也。後漢

曾恭傳。袁安使仁恕掾肥親往廉之。容止

魏明帝使后弟毛曾與夏侯玄共坐章

註。曾說形於色。魏志。曾作不

何平叔美姿儀章

註粉帛 魏畧帛作白○晏養自宮中 魏畧大祖為

司空時納晏母并收養晏

時人目夏侯太初章○積唐 王褒洞簫賦積唐遂往李

善註積唐隕墜貌

嵇康身長七尺八寸章○傀俄 傀公回切奇也大也徐

氏說文註人材傀偉俄與我通傾也詩小雅側弁之俄

潘岳妙有姿容章○委頓 左傳甲兵不頓註頓壞也疏

頓謂挫傷折壞今俗語委頓是也

劉伶身長六尺章○忽忽 字典不省事也晏子春秋景

公築長康之臺晏子起舞曰歲已暮矣而未不獲忽忽矣

若之何

陸士龍好笑章○猿憤 晉書作猿經

周伯仁道桓茂倫嶽崎歷落可笑人 嶽音欽字彙嶽嶽

山不正貌歷落疎闊貌

劉尹道桓公鬢如反猬皮 猬蝟同晉書鬢作蝟毛磔炙

轂子蝟似鼠性獐鈍物小犯近則毛刺攢起如矢○眉如

紫石稜 紫石藥石出隴州者其稜甚銳見嶺表錄異

張思曼吐納風流 吐納謂吐納言語也蓋取諸莊子吐

故納新而變用之

陶隱居身長七尺四寸章○雖在朱門 南史齊高帝作

相引為諸王侍讀除奉朝請雖在朱門閉影不交外物唯

以披閱為務永明二年脫朝服挂神武門去

註華陽 山下洞宮名金陵華陽之天

李密目矐子正方章○左仗 殿下兵衛曰仗有左右兩班。密時為左親侍。○無令入衛 隋書宇文述乃諷密使稱疾自免。密遂屏人事專務讀書

自新

戴淵少時遊俠章

註繁弱登御然後高墉之功顯 左傳封父之繁弱。註繁弱大弓名。易解上六公用射隼于高墉之上。御車也。○孤竹在肆然後降神之曲成 周禮大司樂。鼗鼓鼗鼗。孤竹之管。雲和之琴瑟。雲門之舞。冬日至於地上之圜丘奏之。若樂六變則天神皆降。可得而禮矣。註孤竹管以竹特生者為之。肆列也。○井渫之潔 易井九三井渫不食。註渫不停污之謂也。修己全潔而不見用。○

枯岸之民果於輸珠潤山之客烈於貢玉 鱈云枯岸謂採盡珠也。孟嘗為合浦太守先時二千石貪穢使民採珠積以自入。此言明形則庸民亦能識珠也。潤山之客謂卞和也。和再刖而猶獻之。故云烈於貢玉。此言暗形則識者難辨也。○於大戴禮玉居山而木能潤。淵生珠而岸不枯。陸言本于此。枯岸即不枯岸也。以對潤山。故云枯岸耳。果輸烈貢徒變文耳。於義無異。陸意言戴淵德器明著無蔽已。雖庸識猶能審之。猶枯岸之珠潤山之玉。雖庸民俗客無疑于貢輸也。

企羨

郭林宗遊京師章○乘薄笨車 綱目集覽笨布充切笨車竹輿也。○眇若松喬之在霄漢 鱈云喬上竦也。○按

世言赤言衣
松喬赤松子王子喬也。戰國策世之稱孤而有喬松之壽。班固西都賦庶松喬之群類。時遊從乎斯庭是也。李郭又嘗同舟而濟。衆賓望之。以為神仙。可見當時以二公比神仙也。

王司刈先為庾公記室參軍章。○猶貪與少日周旋。與去聲。參與也。

孟昶未達時章

註志局 臚云其才有所見而可用曰志局。○按志局謂立志自守也。○盧循既下 義熙六年盧循逼建康。謝叔源誅後 謝混字叔源小字益壽。以黨劉毅誅仲長子光隱居北渚章

註汾陰生 王通也。○懸解 莊子太宗師得者時也。

失者順也。安時而處順。哀樂不能入也。此古之所謂懸解也。

歐陽率更 率音律。漢書註掌知刻漏。故曰率更。○布毯毯他感切。毛席也。

閻立本善畫章

註六法 畫品畫有六法。一曰氣運生動。二曰骨力用筆。三曰應物象形。四曰隨類賦彩。五曰經營置位。六曰傳移模寫。○顧陸 顧愷之陸探微也。張僧繇與之齊名。稱畫家三祖。

蕭穎之有一僕章

註連帥 禮王制千里之外設方伯。五國以為屬。屬有長。十國以為連。連有帥。

傷逝

龔勝死章○薰以香自燒膏以明自煎 師古註薰芳州漢書煎作銷。

陳蕃寶武章

註為黨事考逮 前漢刑法志註辭之所及則追捕之故謂之逮○甫等 甫王甫○五營 屯騎越騎步兵長水射聲謂之五營。

范巨卿與張元伯為友章○屣屣 屣與躡同曳也前漢雋不疑傳躡屣起迎註曳之而行言其遽也。

孫子荆以有才少所推服章○體似真聲 晉書體似聲真。

衛洗馬以永嘉六年喪章

註故遷於江寧 故當作改晉書改塋於江寧○明當

改葬 明蓋謂明日也太平御覽引語林夏少明未知名聞裴逸民知人入洛從之裴云君明可更來明往果知之亦謂明日為明。

戴公見林法師墓章○拱不已積 爾雅註兩手持為拱左傳爾墓之木拱矣○神理 謝靈運詩事為名教用道以神理超。

註宿莽 草經冬不凋曰宿莽見楚詞。

王東亭與謝公交惡章○刁約 劉應登云刁乃謝公部下吏○官 通鑑宋紀沈攸之將舉兵其妾崔氏諫曰官年已老那不為百口計胡三省註宋齊之間義從私屬以至婢僕率呼其主為官○按刁約在晉已言之非始于宋。

也。

註又離妻 又上當有珉字。据晉書妻者。王珉妻。即謝安女也。

羊曇少為謝太傅所知章○西州門 晉書謝安雖受朝寄。然東山之志始末不渝。及鎮新城。經略粗定。雅志未就。遂遇病篤。詔還都。聞當輿入西州門。自以本志不遂。深自慨失。東坡游東西巖詩。慟哭西州門。註趙次公云。西州門。學者多未曉。在江寧府。以府有東府城。城中有揚州廨。而揚州在府西。故時人號為東府西州。而東府城之西門。謂之西州門。○生存華屋處 一本晉書並作生存處華屋。王子猷子敬俱病篤章

註有生樂代者 生謂生人也。○屬續 禮喪大記屬

續以俟絕氣

范蔚宗既被繫章○送令出詩賦美句 南史出上有書字。觸云。出。謂撰出。非也。

王威明亡後章○俱往之傷 魏文帝與吳質書。昔年疾疫。親故多離其災。徐陳應劉。一時俱逝。痛可言耶。

梁簡文為侯景幽繫章○風雨如晦雞鳴不已 觸云。或風雨。或晦暝。如雞鳴不已。○按此詩。鄭風風雨篇。卒章簡文取以自喻。言風雨暗如晦夜。而雞鳴不失其時。遭世大亂。義士不改其節。亦猶是也。

註五福六極 並見書洪範

崔浩誅後章○眭夸 字典。眭音髓。平聲。姓也。出趙郡。夸苦瓜切。○弔嘒 字典。唁或作嘒。弔生也。

雷宣徽頗涉道書 道書一作書道誤。

棲逸

王君公遭亂不去章○墻東 言其近也。

蔣元卿舍中三徑章○挫廉 挫廉猶挫銳也。謂龔而無

圭角。老子。挫其銳。解其紛。和其光。同其塵。

向子平讀易章

註慶隱避不仕 据後漢書。慶當作長○如有不取也

舉措必於中和 觸。或有不取。處置之必於中和。亦不

忤其情也。○按如有不取。言人雖饋之。已若有其物。則

不取也。舉措必於中和。言凡其所為必於中和。不為詭

激之行也。上所言類是也。

韓伯休采藥名山章○公是韓伯休那 那。去聲。語助。

阮步兵嘯聞數百步章○啾然 觸云。啾然。遙聞貌。○按

啾音義未詳。疑與啾同。猶觸或作成公綏嘯賦。啾啾響作。

註脩然曾不眇之 觸云。脩。本羽敝貌。此盖喻不整貌

儀也。○按脩以九切。無心貌。莊子大宗師。脩然而往。是

也。魏志注引魏氏春秋。作蕭然曾不經聽。○喲然 喲

音交。又音豹。聲也。○厭厭 厭同。厭。閉藏貌。

阮光祿在東山章

註肥遁 易遯上九。肥遯。无不利。○蜀莊 莊遵字君

平。蜀人也。

何驃騎弟章

註散帶 韻會。不自檢束為散

南陽劉麟之章○訐謨 詩大雅。訐謨定命。毛傳。訐。大謨

謀也○乞窮乏 乞音器。予也○上明 城名。在荆列松滋縣境。桓冲自襄陽退。築之自屯。綱目實

註去道斥近 觸。晉書作在官道之側。斥。開拓也。蓋去官道。開地而居。與官道相近。故人士往來必投其家。○按斥近未詳。或云斥。擬斥乘輿之斥。後漢孔融傳斥近。謂逼近也。

南陽翟道淵章

註篤行任素 任素猶守素也。觸云。任誠篤也。非。

孟萬年及弟少孤章○少孤如此萬年可死 言萬年縱實病篤。有弟如此。則可以死也。德行篇。荀巨伯遠。看友人疾。章李贄評。有友如此。此可以死。亦與此同。觸云。今見少孤賢如此。萬年不足愛惜。謬矣。

康僧淵在豫章章○精舍 釋迦譜。息心所棲曰精舍。又講讀之舍曰精舍。後漢李充傳。充立精舍講授。○加已處之怡然 觸云。加已。謂人來陵已也。○按加加上。事也已。即處之之已。一說。加已讀為加以。亦通。

戴安道既厲操東山章○式遏之功 詩大雅民勞。式遏寇虐。○家弟 晉書。戴逵字安丘。處士達之弟也。從謝玄征伐。封廣信侯。謝安嘗謂逵曰云云。家弟。作家兄。

註逵字安丘 逵與道同○父緩 緩一作綏

陶徵士嘗言章○羲皇上人 伏羲以上人。宗少文好山水章○尚平 即向子平。前出南史宗測傳。測欲遊名山。乃寫祖少文所作尚子平圖於壁上。是也。○撫琴動操 南史。少文妙善琴書圖畫。古有金石弄。為諸

桓所重桓氏也其聲遂絕唯少文傳焉

魚復侯為江州章

註武帝 齊武帝

庾杲之清素自業章○蒲葑 鱮字書無蒲字當作淪淪

煮也○按字典引正韻淪或作瀹西陽雜俎有瀹鮎法○

食鮭常有二十七種 集韻鮭音鞞吳人為魚菜總稱亦

作腓葑音九庾食有三葑故戲為二十七種

孔稚圭風韻清疎章○兩部鼓吹 鼓吹本軍樂於馬上

奏之漢以來有鼓吹名天子以樂群臣亦賜有功諸侯其

制率給一部給兩部者不常有也

王弘之性好釣魚章○釣亦不得復不賣 南史作亦

自不得得亦不賣

註會境 會稽之境○嘉遒 易遯九五嘉遯貞吉○

纂戎先業 纂與纘通繼也詩大雅烝民纘戎祖考毛

傳戎大也○昔聞 聞聞人。

王摩詰貯蕙蘭章○黃磁斗 磁與甃通凡器也一說甃

器多出河南磁州故名此說出五雜俎黃磁斗黃色蘭盆也

註唯茶白酒鎗經索繩牀而已 鎗楚耕切音鎗釜屬

緯畧三足温酒器也晉書佛圖澄坐繩牀燒安息香通

鑑唐穆宗見群臣於紫宸殿御大繩牀胡三省註繩牀

以板為之人坐其上其廣前可容膝後有靠背左右有

托手可以閣臂其下四足著地通雅因話錄曰交椅謂

之繩牀胡制也

許謹選 即許慎選也宋孝宗諱昚昚古慎字故宋人以謹代

林逋隱居孤山章

註郭索 太玄經。蟹之郭索。註多足貌。○鉤輶 格物論。鵠鵠自呼鉤輶格磔。

蘇養直隱京口章

註我夢扁舟遊震澤 東坡集。昔在九江。與伯固唱和。其畧曰。我夢扁舟浮震澤。雪浪橫空千頃白。覺來滿眼是廬山。倚天無數開青壁。○屬玉 鳥名。上林賦。註似鴨而大。長頸赤目。紫紺色。

賢媛

樂手子嘗行路得遺金一餅 餅與餅通。爾雅。餅金謂之銀。正字通。傾金銀似餅者。集仙傳。王暉詩。若能思得之。賜

與金一餅。

陳嬰者東陽人章

註嬰母見之 班固叙傳見作止

漢成帝幸趙飛燕章

註本長安宮人 師古注。省中侍使官婢。名曰宮人。非天子掖庭中也。事見漢舊儀。言長安者。以別甘泉等諸宮省也。○河陽主 漢書作陽阿主。師古注。陽阿平原之縣也。○嬌妬 嬌。漢書作驕。

曹公問蔡文姬章○聞夫人家先多墳籍 賞譽篇。趙家先猶有此本。曰家曰先。意與之同。臙云。家先。斥文姬之亾父。非也。

魏武帝崩章○太后 即卞后。文帝母。○值侍 值與直

通。○正伏魄時過。鴈云。譬先帝崩。嗣子將立之際。蓋謂文帝為太子在喪時也。○按伏復音同。伏魄即復魄也。太平御覽喪禮引禮運註。復招魂復魄也。顏氏家訓終制篇。不勞復魄。殮以常衣。○狗鼠不食汝餘。漢書元后罵王莽曰。受人孤寄。奪取其國。人如此者。狗豬不食其餘。卜后之言。蓋本于此。

趙母嫁女章

註大皇帝 吳主孫權也。下曰赤烏。即其年號。○景獻

羊皇后 晉景帝后。

許允婦章

註婉婉 音宛晚。謂柔順也。禮內則。女子十年不出。姆

教婉婉。

許允為晉景王所誅章○又可少問朝事 魏志注。可下有多字。

註會有司奏允前擅以厨錢穀乞諸俳及其官属 魏

志注引魏畧。厨作廟。乞去聲。予也。

王公淵娶諸葛誕女章○公休 諸葛誕字○彥雲 王

凌字

賈充前婦章○卿往不如不去 晉書去作往○語卿道

何物 言我語卿不道莫往乎。

註廣宣君 晉書宣作城○齊獻王妃 李氏女荃為

齊王攸妃○我教汝迎李新婦尚不肯 李新婦即李

氏也。或以李為句。新婦指郭氏。非。

李平陽秦列子 李重字茂曹。為平陽太守○重看之色

世言李重者
動云云。警中疏。蓋不顯言。有可怪詞。故李重者之色動。入示其女。女解。疏義直。叫絕。重乃了其意。出則自殺也。觸云。使者色動也。有欲收色。非。

周浚作安東時。安東將軍。○男子不在。晉書。會其父兄不在。○由此李氏在世得方幅齒遇。觸云。齒並也。言凡為李氏親族者。並得寵遇也。劉云。四面看得一樣。是也。○按齒列也。以爵位相次列。亦名為齒。左傳。寡人若朝於薛。不敢與諸任齒。是也。晉時周氏為甲族。周氏之所同列。則諸貴不得不同列。故曰得方幅齒遇也。劉辰翁云。方幅者。四面看得一樣也。劉應登云。方幅猶幅員也。即天下。王渾妻鍾氏章。○然地寒。不有長年。不得申其才用。觸云。地寒。不有長年。門寒身素。無世祚之資也。○按寒字句。

絕。長年。長命也。管子。道血氣以求長年。規箴篇。惠遠答王謚書。似不在長年耳。是也。言門地寒酸。若非有長命。則不得申其才能也。與下文必不壽相應。

註鍾夫人名琰之太傅繇之孫。晉書。鍾夫人名琰。太傅繇之曾孫。

王司徒婦章。○鍾郝為姊妹。晉書。郝氏。王渾弟湛妻也。亦有德行。○東海家內則。王湛子承為東海內史。

註鍾琰女。琰當作微。

陶公少有大志。章。○下為二髮。髮音被。詩。靡風疏。鬢音替一名髮。益髮也。言人髮少。聚他人髮益之也。

註時豫章云云。晉書。侃。鄉人豫章。郎中令楊暉。與同乘。見中書郎顧榮。榮甚奇之。吏部郎溫雅謂暉曰。奈何。

與小人共載。暉曰：此人非凡器。○簡之。簡，書也。與書於張而稱侃也。○十郡中正。十郡當作本郡。

陶公少時作魚梁吏。章○坵。坵，與艸同。晉書以一坵艸遺母。坵，苦甘切。土器。受五升。

庾玉臺希之弟也。章○壻。故自急。鱗云：桓温托言避國，家嫌疑，其以壻故，特急之耳。○按桓温意言此舉不啻玉臺不免壻故，自危急，汝焉得不來請乎。蓋戲女之詞。

註友字弘之長子宜。字弘之當在宣下。○桓温殺庾希，弟情希聞難而逃。情希之希衍。

王右軍郝夫人章○傾。篋倒度。度音詭。禮內則：大夫七十而有閣。註：閣以板為之。度，食物也。劉芸廬本度作履。

謝過絕重其姊。姊即道韞。○林下風氣。竹林諸賢風。

氣○顧家婦。即張玄妹。

宋明帝嘗於內宮大集。一本南史並內宮作宮內。○外舍家寒乞。外，即外戚之外。后族曰外舍。亦曰外舍家。寒乞，寒酸乞食。鱗云：外舍家對宮禁而言。謂庶人家也。謬矣。

○俚弱。俚與寧通。女耕切。女劣貌。一曰：女態舒徐也。

肅宗宴於宮中章。

註將軍椿。將一作參。椿都江切。

宋太祖將北征章○點檢。官名。宋史太祖記：周世宗末，并太祖檢校太傅殿前都點檢。○詢詢。謹議之聲。

術解

蔡文姬年六歲時章○季札觀樂。樂或作吳誤。語林作觀風。

荀勗善解音聲章○既無一言直 直價也。謂賞鑑也。

註然今鍾磬云云 据晉書。然今以下非阮咸之言。

王武子善解馬性章○著連錢障泥 晉書錢作乾。字典。

馬飾曰連乾。顧况詩。金鞍玉勒錦連乾。

桓公有主簿章○從事督郵 野客叢書。從事美官。而督

郵賤職。故取以為喻。

樂人王令言章

註大業二十年 二十當作十二

李贊皇作相日章 中冷水 即註所謂南零水

巧藝

彈碁始自魏宮內用粧奩戲 十一字一句。觸宮內絕句。

非也。奩音簾。鏡匣也。太平御覽引彈碁經。後序。後漢冲質

以後。此藝中絕。至獻帝建安中。曹公執政。博奕。具不得妄

寘宮中。宮人乃以金釵玉梳戲於粧奩之上。即取類於彈

碁也。及魏文帝受禪。因宮人所為。更習彈碁焉。當時朝臣

名士無不爭能。五雜俎。弘農楊牢六歲咏彈碁局云。魁形

下方天頂突。二十四寸窓中月。想其製方二尺有四寸。其

中央高者獨圓耳。今閩中婦人女子尚有彈子之戲。其法

似圍碁。子五。隨手撒几上。敵者用意去其二。而留三。必隔

遠。或相粘一處者。然後彈之。必越中子而擊中之。中子不

動則勝矣。此即彈碁遺法。魏文帝客以葛巾拂無不中者

也。但無中央高之局耳。

顧長康畫裴叔則章○看畫者尋之。尋也。尋定。覺益三毛。如

有神。明殊勝未安時。十四字句。安置也。

顧長康畫人章○傳神寫照正在阿堵中 觸云。畫人之形神。以傳於後世。是傳神也。○按傳神。謂傳移精神也。凡描寫人物。傳其神爽。在目中。一點。故曰傳神寫照。正在阿堵中。非傳後世之謂。阿堵中。猶言此中也。當時顧愷之指畫像。之眼而說人。故云此中也。余幼讀故事。成語考。王夷甫口不言錢。乃謂錢為阿堵物。傍註云。阿堵。眼也。猶言眼前物也。時余未讀此書。為妄語兒所欺。

王中郎以圍碁是坐隱章

註故其在哀制中。祥後客來。祥後小方幅會戲。觸云。

方幅。四方白紙一幅。界畫以為碁局也。○按方幅。即方幅齒遇之方幅。

羊敬元少便靜默章

註大令 晉書王珉代王獻之為中書令。二人素齊名。

世謂獻之為大令。珉為小令。○槭若嚴霜之林 韻會。

槭。木葉落也。潘岳閒居賦。庭樹槭以灑落。

玄宗忽思嘉陵江山水章○粉本 畫論。古人画臺謂之粉本。前輩多寶重之。蓋其草臺不經意處有自然之妙。

寵禮

皇甫度遼 後漢書南匈奴傳。明帝永平八年。始置度遼營。以吳棠行度遼將軍事。

趙元叔造河南尹羊陟章○遂前臨之 臨去聲。哭也。○

乃今方遇而遽忽然 忽。倏忽之忽。盡也。滅也。左傳。臯陶庭堅。不祀。忽諸。爾雅。釋詁。忽。盡也。註。忽然。盡貌。此謂羊陟俄死也。書叙指南。裁相遇而死。曰方遇而忽然。是也。觸云。

忽慢忽也。謬矣。○柴車 車之不飾者。左傳。篳路藍縷。註。篳路。柴車。

註 嫗媯 猶偃僂也。○撫拍 親狎也。○閃揄 傾佞

貌。○伊憂 屈曲佞媚貌。○抗麟 高亢犇直貌。以上解出

後漢書註 ○計月受俸 一本月作日

孝武在西堂會章。○為人作父如此。觶云。為人其父如

此。○按為去聲。南史齊廢帝鬱林王紀。王年五歲。牀前戲。

高帝方令左右拔白髮。問之曰。兒言我誰耶。答曰。太翁。高

帝笑謂左右曰。豈有為人作曾祖而拔白髮者乎。即擲鏡

鑷。亦為去聲。

謝萬與太傅共詣簡文章。○履板而前 謂躡履執板而

前也。板即手版。笏也。

張憑舉孝廉章。○遣傳教覓張孝廉船。觶傳。傳車也。○

按通鑑晉紀。周筵叱郡傳教。註。傳教。郡吏也。宣傳教令者

也。○勃窣為理窟。觶云。說文。窣。穴中卒出也。蓋謂義理

勃興而出也。與子虛賦。勃窣殊窟。如月窟之窟。理所生。○

按勃窣義未詳。或云。子虛賦。繁珊勃窣上金堤。註。勃窣。匍

匍行也。此借為用力之意。猶詩云。凡民有喪。匍匍救之。

卞範之為丹陽尹章。○移晨達莫 移。如移日之移。移晨

字自佳。觶云。移當作從。恐非。

孔休源為晉安王長史章

註 梁臺 梁武帝始為梁公。開府。稱梁臺。

陶貞白隱茅山章

註 二宮 天子。皇太子。

令狐絢在翰林日章○乘輿金蓮華炬 蔡邕獨斷天子所御車馬衣服器械百物皆曰乘輿類書唐制天子宫中蓮炬插燭以金為蓮華之形謂之蓮炬

錢文僖守西都章○遣厨傳歌妓至 漢書宣帝紀飾厨傳稱過使客韋昭註厨謂飲食傳謂傳舍演繁露宣帝詔曰飾厨傳稱過使客按厨傳兩事也厨庖也以好飲食供使客則為飾厨也具車馬資行役則為飾傳也今人合厨傳為一概謂豐饌為厨傳非也○按此云厨傳即概謂豐饌為厨傳者也

註加有朋簪談燕之適 加或作如誤也易豫卦朋盍簪註盍合也簪疾也言群朋合聚而疾來也○蕝萃斗甚 斗頓也

劉伶病酒章一斛今一斗三合

任誕上

阮步兵喪母章○下席於地哭 句 裴下席於地哭也觸云阮下席也非

王安豐穎脫不持儀形 穎脫或作簡脫○巴驥馬 驥通作顛又作滇史記西南夷傳滇最大如淳註滇音顛顛馬出其國也按滇後為縣屬益州益州即巴蜀故其所出馬謂之巴驥馬也猶實所出馬曰巴賓馬晉明帝乘巴賓馬事見假譎篇水經註馬穴山漢時有數百疋馬出其中馬形小似巴漢馬則其形亦可知也觸讀驥為白驥之驥謬矣

阮渾長成 阮渾字長成籍之子此總舉姓名與字非有意然如寵禮篇皇甫度遼解官歸鄉章註云張奐然明段頰紀明是也觸云蓋仍其字轉巧以成文謬矣

阮仲容先幸姑家鮮卑婢 鮮卑東胡後漢鮮卑傳依鮮卑山因號焉。○著重服 親喪所著故云重服。○累騎重騎也。謂二人重騎一馬。

註胡人遙集於上楹 張載注胡夷之畫形著在上楹也。李周翰註以木刻胡人形在高處故云遙集上楹。

山季倫為荆列章○茗芋 即酪酏也。○白接羅 帽也。

接羅通作睫攤爾雅註江東取鷺頭翅背上長翰毛以為睫攤名之曰白鷺線。○舉手問葛彊何如并列兒 觴云。

問彊所在也。○按問葛彊問于葛彊也。言山簡舉手問于葛彊云如何耶并列兒也。魏畧曹植初得邯鄲淳甚喜延

入坐不先與談時天暑熱植因呼常從取水自澡訖傳粉遂科頭拍祖胡舞五椎鍛跳丸擊劍誦俳優小說數千言

日莫倒載歸觴
曰醉引倒載于
車中

訖謂淳曰邯鄲生何如耶亦與此同趣。

祖車騎過江章○昨夜復南塘一出 胡三省通鑑註晉

都建康自江口沿淮築堤南塘秦淮之南塘岸也。○健兒

壯士也

桓宣武少家貧章○汝故當不辨作袁彥道耶 逆計其

拙不能作袁彥道妙之語辨如必能辨賊者之辨。出雅量篇耶

語助晉書作也。○擲對人 對人相對之人即債主。

註我必作采 作采作貴采也。博經所擲骰子謂之瓊

瓊有五采。○盧雉 並貴采名。盧最貴。晉劉毅擲得雉

叫謂同坐曰非不欲盧不事此爾。

王孝孫早歲喪妻章○輒使御之 晉書使下有子字○

處不安也 晉書處下復有處字

居難觴曰居喪

任愷既失權勢章○元哀如北夏門拉擺自欲壞 拉擺猶拉攏也。吳都賦。拉攏雷礮。註。木摧傷之聲。

宋禕是石崇妓綠珠弟子 文海披沙。宋禕。石崇妓綠珠弟子。一曰。婦子。有國色。善吹笛。晉明帝幸之。疾篤。以賜吏部尚書阮遙集者。世說稱。為王敦妾。後又屬謝尚。不知一人耶。二人耶。劉註未詳。則失於深考。尚又有妾阿紀。善吹

笛。尚死。守志。北中郎郝曇以計得之。則阿紀之笛。當是宋禕所教也。

賀司空入洛赴命章

註。避漢帝諱。玉海。賀氏。漢侍中慶純。避安帝諱。改為賀。○按安帝諱祐。其餘漢帝無諱慶者。安帝父清河王名慶。慶純避之也。○安東王 元帝襲封琅琊王。為安

張季鷹。統仕章。鷓曰。江東步兵。此阮籍。字步兵。

東將軍

蘇峻亂章○蘧蔞 通雅。蘧蔞。織竹如席。規以為困。以貯穀粟。或以取魚。

桓車騎在荆列章○欲寄作膾 寄。寄身於張玄船。○觀君船上 上時掌切

桓子野每聞清歌輒喚奈何 觸云。奈何通。古今樂錄云。夷伊那何。皆曲調之遺聲。喚奈何。蓋以應和其聲也。○按奈何。蓋不勝喜之詞。猶詩云。如此邂逅何。其舊如之何。

王劉共在杭南章○然已停車 觸云。停所遣之車。○按車。即謝素所乘之車。停留而不進也。下篇云。謝長史停車褰幔。是也。言諸人初遣使者邀謝於歸路。謝猶未許。然已無歸家之意。故停車不進。諸人再遣使者邀之。謝即回車。

諸人欲要之。王劉諸人欲送之也。

王光祿章。使人自遠使神情。深遠也。清旨。美也。

來也。

任誕下

王子猷居山陰章

註白雪停陰固 文選雪作雲

羅友作荆州從事章

註民性飲道嗜味 民自稱道一作酒。○大見椰榆

字典。椰榆。舉手相弄也。後漢王霸傳。市人皆大笑。舉手

邪揄之。

王孝伯問王大章○壘塊 字典。胸中不平也。

王敬弘為尚書僕射章○關署文案 關。通也。相與之意。

署。署名也。通鑑晉紀。桓玄性苛細。尚書答詔。誤書春蒐為

春蒐。自左丞王納之以下。凡所關署。皆被降黜。註。關。通也。

○嘗豫聽訟 時帝親臨延賢堂聽訟宋文帝

謝長史性通脫章○車前三騶 禮月令註。騶。主駕稅者。

胡三省通鑑注。晉制。諸公給騶八人。下至御史。各有差。齊

王融曰。車前無八騶。何得稱丈夫。則騶。蓋辟車之卒。凌稚

隆云。御史車前有三騶。按南史。謝時為尚書左丞。

陳暄文才俊逸章○速營糟丘吾將老焉 左傳。隱公曰。

使營菟裘。吾將老焉。

註南北司二列 司列名。晉書地理志。司列。漢司隸校

尉所部。魏氏置司列。後有南北。○吾見張公時已六十

南史時下有伊字○宣子不明斯言 南史明作聞。

阮脩字宣子。咸從子也。言不聞宣子。有諫從父之言。○

何陳留之風不嗣太原之氣歸然 阮氏出陳留。王武

子太原王氏歸然獨立貌。莊子歸然而有餘。○吾不以
 為多。此下南史有然洪醉之後有得有失成廝養之
 志是其得也使次公之狂是其失也。二十七字。漢蓋寬
 上饒字次
 公。酒。○江諮議。觴云。江道字道載。始起會替太守。歷
 諮議參軍。出為南郡相。○按江道晉人。本傳不載其論
 酒之言。不審岡氏何據。當時稱江諮議者。晉有江斲。見
 簡
 傲簡傲好酒。疑即此人。○陷地武陵之第。陳文帝子
 有武陵王伯禮。○豈避南征之不復。賈誼之慟哭者哉。
 觴云。賈誼謫長沙。長沙極南卑濕地。自傷悼以為不
 得復也。○按南征不復。左傳齊桓責楚對曰。昭王南征
 而不復。君其問之水濱。是也。賈誼慟哭。史記賈生居長
 沙。長沙卑濕。自以為壽不得長。傷悼之是也。用慟哭字

者。蓋據賈誼治安策。杜甫詩。賈生慟哭後。寥落無其人。
 註。賈誼嘗獻治安策。言可為慟哭者一。○何水曹眼不
 識盃鐺。按梁何遜為尚書水部郎。稱何水曹。然本傳
 不載其不好酒事。齊何點菜食不飲酒。竟陵王子良遺
 點以嵇叔夜酒盃。徐景山酒鎗。鎗與
 鐺同似是陳暄所言者。
 然點終身不仕。稱何居士。無稱水曹之理。或云蓋暄臨
 時誤認何點為何遜。因稱何水曹也。未知是否。○其醉
 不可及也。此下南史有速營糟丘。吾將老焉。爾無多
 言。非爾所及。四句。
 韓朝宗為山南株訪章。○真諸周行。詩周南。嗟我懷人。
 真彼周行。毛傳。行列也。思君子官賢人。置周之列位。
 韓熙載肆情坦率章。○執板挽之。板。拍板也。所以擊節

者。挽之。相替者也。

註入末念酸 未詳。或云。雜劇有末。類書纂要。末者。附

始而言。先出開場。總名為始。謂之末者。反言之也。酸。悲

酸之酸。謂悲聲乞憐也。入念。猶入道念佛之入念。

何承裕為整屋咸陽二縣令章。○此見罔也。見音現。罔

誣也。

喻明仲妙於長笛章。○持節數郡。觴云。奉使也。○按持

節不獨奉使。魏晉為刺史任重者為使持節。都督輕者為持節之類是也。註云。政績藹

著。可見其治郡也。

註雅善散隸。觴云。散隸。八分也。法書苑云。自小篆散

而八分生是也。○按秦李斯作小篆。其後隸書八分相

繼而出。皆取法于小篆。而各有所異。吾丘衍學古編辨

之甚詳。隸有秦隸漢隸今隸。孫過庭書譜。真行並謂之

隸。可知隸非八分也。太平御覽隸書條云。漢元帝時。史

游作急就章。解散隸體。麤書之。又引齊書周顒傳云。顒

少從外氏臧質家。得衛常散隸書法學之。甚工。文惠大

子使顒書玄圃茅齋壁。國子祭酒何胤。以倒薤書。求就

顒換之。顒笑曰。天下有道。丘不與易也。据此散隸書。豈

始。史游而成。衛常字巨山。善草隸。晉書有傳。

簡傲

世祖幸嚴子陵館。館。客館。○咄咄。韻會。驚怪聲。

十月朝章。○舉搏。搏音團。以手圍飯也。禮曲禮。毋搏飯。

註稅杖。稅音脫。大杖也。淮南子。揮稅而呼狗。○死公

云等道。後漢書註。死公。罵言也。云等道者。猶今言何

物語。○車前馬糞。糞與屁同。○五伯作伯一百。後漢書

註。今俗呼行杖人為五百。又云。猶今之間事也。

王戎弱冠詣阮籍章

註。濟沖曰。此下疑有脫文。

鍾士李精有才理章。○鼓排。排與鞞通。韋囊吹火也。後

漢杜詩傳。造水排。鑄農器。注。冶者為排。以吹炭。今激水鼓

之。

嵇康與呂安善章。○故作。觸云。作起也。特起謝之。按

故猶本也。作。即作鳳字也。二字屬下句讀。不須解說。

謝公嘗與謝萬共出章。○阿螭不作爾。意似言阿螭待

汝得無如吾言乎。

謝萬北征章。○直以如意指四坐云。諸君皆是勁卒。胡

三省通鑑註。如意。鉄如意也。凡奮身行伍者。以兵與卒為

諱。既為將矣。而稱之為卒。所以益恨也。○復云當為隱士

故。觸云。為去聲。隱。如孟子隱。其無罪而就死地之隱。謝

安回護言。萬謬以為賊盛。引軍還。遂致敗。然本為隱士。之

就死地故耳。○按復云。軍士復云也。為讀如字。隱士。即隱

者。劉芸廬云。隱士。指謝安。時未出仕。是也。綱目云。及萬被

廢。安始有出山雪恥之志。可見此時安未出仕也。為隱士

故。與為李將軍地。文意畧似。史記魏其要言。以謝安之故

忍之也。綱目云。萬狼狽單歸。軍士欲圖之。以安故止。是也。

王敬弘嘗往何氏看女章。○正熟。睡正熟也。

劉瓛謙率通美章。○便坐問答。本傳問下有待字。

齊神武東出。神武北齊高祖。○路車。路當作露。

崔瞻在御史臺章

註東堂 一統志東堂在鎮江府城內後名射堂今為士人遊戲之所

孫騰司馬子如章○披藜藿 史記越世家披藜藿到門居甚貧

杜審言將死章○但恨不見替人 替代也謂不見代已

人用替訓代者當時間見通典神龍二年撰二十人分為十道巡察使二周年一替以廉按列郡之類是也

註登封 天中記曰續世說乾封作登封何氏語林因

之俱誤○按乾封高宗年號登封則天年號○見吾判唐書選舉志唐制擇人之法有四一曰身體貌豐偉

二曰言言辭辨正三曰書措法道美四曰判文理優長四事皆可取則先德行

南唐嚴續章○神道碑 丘濬云蓋地理家以東南為神

道碑立其地故因以名○仍輟云云 輟輟已予人也

曾子固為中書舍人章○都堂 尚書所居杜氏通典唐

制尚書省都堂居中左右分司註舊尚書今有大廳當省

之中今謂之都堂文獻通考宋太平興國中徙尚書省於

利仁坊中設都堂是也觸云都堂都察院也謬矣按明制

欽差都察院有三邊都堂兩廣都堂漕運都堂巡撫都堂

操江都堂彼自明官不與此都堂同

註小黃門 宦者也○刻誦 刻治也○被學 謂為

學官也○雖不足雍容明盛萬分之一

天子美明盛德萬分之一也以上解出文選註

排調上

張君嗣在益州章

註丁宏揆張陰化不盡裴松之註丁宏姓名揆音夷

念切或作豔揆張言多浮豔也陰化言不明理也

鍾毓為黃門郎有譏警譏當作機綱目集覽機警有機

關而警省○阜繇繇毓父名○懿士懿景王父名

劉真長始見王丞相章○何乃洵集韻洵楚慶切請去

聲與灑同冷也吳人謂之灑字牖江東呼厭極為洵音罄

通雅何乃洵猶云那行洵亨康切吳人之聲嘗有之意以

為何如則曰那行行亦音亨康切老學菴筆記曰閣門促

行曰那行是即何乃洵之聲也字典吳音何乃洵猶言那

行

褚李野問孫盛章

註茸之以蠶室師古註茸推也推置蠶室之中

謝公在東山地理志東山在上虞縣西南四十五里○

高靈據註及晉書靈當作鄴

排調下

支道林因人就溪公賞印山武昌記奉新縣有石臨水

高三十丈上有字髣髴似印故曰印山一本作印山或云

即岬山也按集韻岬五浪切山名在越鄞縣界言語篇支

公好鶴住剡東岬山註支公書曰山去會稽二百里

頭責秦子羽云章

註士卿劉文生許本集士卿作上郡○人寶本集

作仁賢○子威本集作子臧子臧曹公○令辭本

集今作含○灑澹魚浮沈貌潘岳閒居賦游鱗灑澹

○設以天幸為子所寄 本集天幸作太宰言頭為一身之太宰也。觸云為子所寄。是若天幸也。謬矣。○人之所忌 本集人作子。○宮商 本集作口舌。○謹諱 本集作驛駝。驛音駝。說文。驛駝野馬。○剪蹙 本集剪作煎。

范玄平在簡文坐章。○此非拔山力所能助。觸云。此言非吾無力矣。唯時不利耳。時簡文居勢要。蓋不能敢也。○按此蓋割鷄焉。用牛刀之意。

桓公既廢海西立簡文章。○未有君拜於前臣立於後。觸云。蓋言其威權。帝亦當拜之。○按古音拜廢同。桓廢君海西而立臣簡文。故謝特拜桓以排調之。章首曰廢海西立簡文。其意可見矣。

習鑿齒以脚病廢居里巷章。○樊鄧 綱目質實。樊城名。在襄陽府城北漢江上。與襄陽對峙。即周仲山甫所封之樊國也。鄧襄陽地。春秋時鄧侯國。晉書地理志。鄧屬荊州義陽郡。○半丁 東晉以十六為全丁。十三為半丁。後二十為全丁。十六為半丁。丁壯也。能為一人。事謂之全丁。○二俊 陸機兄弟。

簡文在殿上行章。○噉名 好名也。劉遵祖少為殷中軍所知章。○甄粲 字典。散毛貌。

符朗初過江章。○謹厚有識中者 中。如潏中寬厚之中。史記韓安國傳有識中。謂有識於心也。觸云。中去聲。謂有知識而中於用者。非也。

孝武屬王珣求女婚章。○亦好豫人家事 天子家事也。

二人皆嘗窺窬天下。○後袁山松欲擬謝婚。据晉書。未幾帝崩。故袁欲以女妻之。後謝竟尚晉陵公主。○禁齋。晉書謝混傳。元帝始鎮建業。公私窘罄。每得一狔。以為珍膳。項上。一齋尤美。輒以薦帝。群下未嘗敢食。于時呼為禁齋。故珣以為戲。

顧長康噉甘蔗。南方州木狀。諸蔗一名甘蔗。交趾所生者。圍數寸。長丈餘。折而食之。甚甘。

祖廣行恒縮頭章。○如從屋漏中來。屋漏。夜雨屋漏之

屋漏。孝子傳。排調縮頭。其意可見。觸引爾雅西北隅謂之屋漏。謬矣。

桓玄素輕桓岷章

註方賄。土宜也。○古者分異姓之職。國語姓下有

以遠方三字。職。貢也。○使求。句得之金。橫。句如初。國

語如初作如之。註如之。如孔子之言也。

王延之阮韜章。○月且。謂月且評。許劭事。出蒙求。

註江夏王。名義恭。武帝子。時為南兗州刺史。

范蔚宗臨刑章

註東陵上。莊子盜跖死。利于東陵下。○詹事。擘時

為太子詹事。○綜熙先。謝綜。孔熙先。與擘為逆者。

宋世祖至殷貴妃墓章。○副急淚。副。稱也。副急。猶副速

也。通鑑齊紀。東昏侯大起諸殿。役者自夜達曉。猶不副速。註。不能稱其欲速之意也。○亡妾。南史。羊志時。新喪愛姬。

註劉慎字德願。字當作子。德願。護軍將軍劉懷慎子

宗。如周面狹長章。○謗經。法華經。謗斯經。故獲罪如是

○聞經隨喜 法華經隨喜功德品。展轉聞法華經隨喜功德。尚無量無邊阿僧祇。何況最初於會中聞而隨喜者。註。隨謂隨順事理。無二無別。喜是慶。已慶人。慶已智慧慶。又慈悲。○面不狹長 法華經隨喜功德品。若復有人。語餘人言。有經名法華。可共往聽。即受其教。乃至須臾間聞。是人功德。面色不黑。亦不隘長。人相具足 隘同狹。盛度體豐肥章。

註館職 宋史。國初以史館昭文館集賢院為三館。皆寓崇文院。太宗端拱元年。詔就崇文院中堂建秘閣。擇三館真本書籍萬餘卷。及內出古畫墨跡藏其中。以右司諫直史館宋泌為直秘閣。直館直院。則謂之館職。以他官兼者。謂之貼職。

等也。言我常以彼令君下等尊己為甚。

袁虎伏滔同在桓公府章。○表伏 古世說寵禮篇。桓宣武嘗請參佐入宿。袁宏伏滔相次而至。府中復有表。桓呼宏為表伏之表。

孫綽作列仙商丘子贊章。○龍摠 摠音樗。舒也。班固叙傳。卒不能摠首尾。奮翼鱗。振拔滄塗。跨騰風雲。師古註。摠申也。以龍為喻。○道何物 真豬也 鱮云。道謂也。余初謂如何物。及視之。乃真豬也。○按道云也。言彼自云何物。我視之。真豬也。因其贊語。詆其不才。

王中郎與林公絕不相得章。○著膩顏恰。縮布單衣 鱮云。著膩顏。文度非尤時俗。放蕩。以膩著顏。詆整其威儀也。恰。縮布。縮未詳。蓋布名。以縮為恰也。○按膩。絹滑。有光澤也。

顏。恰額也。晉書五行志。魏造白恰。橫縫其前。名之曰顏。後去其縫。名曰無顏恰。是也。翰。楡字之訛。字典。楡。楡布。布名。見史記貨殖傳。楡通作都。又作荅。後漢書馬援為隗囂使。公孫述。述為援製都布單衣。東觀漢記作荅布。楊雄方言。單衣。古謂之澠衣。顏師古漢書註。單衣。若今之朝服中單。此言王文度戴膩顏恰服楡布單衣也。而臚三截之。曰著膩顏。曰恰翰。曰布單衣。誤甚。

謝太傅謂子姪曰章。始是始當作殆。始當作殆。度道李訖謝公。字典。訖。丑亞切。誇也。史記。子虛過訖烏有先生。

註有罷中宿縣詣安者。謂罷中宿縣令也。地理志。廣州始興郡有中宿縣。蒲葵扇。本草綱目。櫻欄條集。

解。時珍云。別有蒲葵。葉與此相似。而柔薄。可為扇笠。許慎說文以為櫻欄。誤矣。

人問顧長康章

註音重濁。晉書。謝安能作洛下書生。詠有鼻疾。音濁。名流愛其詠。或掩鼻效之。

舊目韓康伯將肘無風骨。將肘未詳。或云。將當作將。前漢鄒陽傳。攘袂而正議。註。攘袂。猶今人云。將臂。

註肉鴨。事言要玄。東坡曰。李西臺字。出群拔萃。肥而不刺肉。如世間美女豐肌。而神氣清秀者也。不然。則世說所謂肉鴨而已。

王興道謂謝望蔡章。霍霍。猝遽也。韻集桓南郡每見人不快。不快。不慧也。

輕詆下

顏延之每薄湯惠休詩章

註恐商周矣。左傳商周之不敵。殷紂周武此言鮑昭

非惠休匹也。觸云。喻文質殊絕也。謬矣。○羊曜璠 宋

人為記室。詩品以下至之論。皆詩品之文。

丘車騎常在沈湫坐。常讀為嘗。○王令 王儉時為尚

書令

註腰鼓兄弟。觸云。腰身中也。鼓取鳴義。言仲子深最

有名譽也。○按綱目唐太宗貞觀二年。有白鵲巢於寢

殿槐上。合歡如腰鼓。註兩巢相連而中細。其形似腰鼓

然。山堂考索曰。腰鼓大者瓦。小者木。皆廣首而纖腰。平太

御覽作本胡鼓。毛員鼓。雞婁鼓。皆腰鼓也。兩頭擊之。聲

相應和。据此。腰鼓兄弟。言伯季優仲劣也。

張敬兒拜車騎將軍章

註王休祐 王上脫山陽二字。山陽王休祐。○徵護軍

南史初徵為護軍。

徐常侍聘齊 齊北齊。

狄仁傑為相章。○堂姨 字典。母同堂姊妹曰堂姨。同堂

○女主 時武后稱制

嚴武以世舊待杜甫甚善 杜甫嚴武父友。

註擬捋虎鬚 杜詩集註。嚴武怒。杜甫徐曰。我乃杜審

言。孫擬捋虎鬚耳。○彌縫 掩人之過曰彌縫。類書

張文潛嘗問張安道章。○賢只消去看字說 賢指文潛

言。賢只須往看王介甫所著字說

註冒浼 浼音每。汚也。○糞或涓塵有助。深崇八字絕句

非句涓。小流也。塵。埃也。涓塵。譬微小。隋書。越王侗傳。徒

承海嶽之恩。未有涓塵之益。亦曰涓埃。杜甫望野詩。未

有涓埃答聖朝。是也。觸云。涓潔也。即潔所冒浼也。誤甚。

假譎

魏武少時章。○青廬。酉陽雜俎。北方昏禮。用青布幔為

屋。謂之青廬。于此交拜行禮。

袁紹年少時章。○因帖臥牀上。帖。附著也。帖臥。謂俯而

腹著地也。猶孫荆玉反腰。帖地之帖。觸云。帖。牀前。惟也。誤

矣。

王大將軍既為逆章。○巴寶馬。巴寶。風俗通。所謂巴有

寶人。剽勇。高祖募取。定三秦者是也。其地馬亦壯駿。稱巴

寶馬。

王右軍年減十歲時章。○剔吐。剔。解也。蓋謂解散吐唾。

下云吐唾縱橫。是也。

註王允之。晉書。王允之字。深猷。敦從子。

溫公喪婦章。○從姑劉氏。從姑。父之從父姊妹。溫嶠從

姑適劉氏也。谷口云。劉氏政。謂其姑爾。誤甚。○女以手披

妙扇。觸云。婦人出以扇蔽面。○按禮。內則。女子出門。必

擁蔽其面。觸所據蓋此爾。於此不久。婚禮。侍兒以紗扇蔽

新婦。徹扇。曰却扇。唐人有却扇詩。是也。唐中宗景龍二年。

召王公近臣入閣守歲。酒酣。上謂御史大夫竇從一曰。聞

卿久無伉儷。今夕為卿成禮。從一拜謝。俄而內侍引燭籠

步障。金縷羅扇。其後有人衣禮衣花釵。令與從一對坐。却

扇易服。乃皇后乳母王氏本蠻婢也。上與侍臣大笑。詔嫁為從一妻。是最明證。此云女以手披紗扇。言女自却扇也。

註篇

○老奴 斥温嶠。南康長公主亦嘗斥夫桓温為老奴。賢媛

諸葛令女庾氏婦章。○其意轉帖。帖。安定也。○詐厭厭與魘通。說文。夢驚也。下同。

註康王之言 觸云。尚書畢命云。世祿之家。鮮克由禮。

以蕩陵德。實悖天道。此康王之言也。○按康王。臨川王

劉義慶。即撰世說新語者。南史。劉義慶。元嘉二十一年。

薨于都下。元嘉宋文追贈司空。謚曰康王。是也。觸以為

周康王。紕繆殊甚。

愍度道人始欲過江章。○王世懋云。劉翁強解事。彼謂舊

義不得食。故創新義。動人耳。為救飢改義。故曰負如來。所

謂那可立。乃無義。非舊義。文理尚不通。何得妄下唯黃或本

不載此說。使讀者不知。劉說誤。故特出之。

王文度弟阿智惡乃不翅。正韻。翅音詩。不翅。猶言不止。

是言阿智不止。容貌醜惡。其性亦頑愚。

姚崇與張說同為宰輔章。○登時 裴松之。三國志註。登

時收融及褒。通鑑宋紀。帝登帥衛士自掩三家悉誅之。註。

登。登時也。猶言即時也。

註八柱 淮南子。地有九列八柱。○亭毒 字典。古毒

育音義通。亭毒。化育也。老子道德經。亭之毒之。註。亭謂

品其形。毒謂成其質。

秦會之夫人常入禁中 常讀為嘗。○子魚 本艸。鯢魚

釋名子魚。時珍云。鰻色緇黑。故名。粵人訛為子魚。生東海。狀如青魚。長者尺餘。其子滿腹。有黃脂。味美。吳越人以為佳品。醃為鮓腊。○咎其失言。供御所無。而權貴家有之。所以生君上。疑阻也。宋劉義康獻柑。大供御者三寸。文帝寢不能平。義康旋以罪廢。唐路嗣恭獻瑠璃盤九寸。乃以徑尺者遺。元載。元載竟誅。秦檜有懲此。故咎其妻不達此意。而云妾家有之也。○青魚。鶴林玉露。青魚似子魚。而非。特差大爾。○我道這婆子村。婆子。斥秦檜妻。村。如村學究之村。謂田舍也。

註糟鰻魚。淮志。鰻音混。似青魚者。商人多鮓之。○憲

聖。宋史。高宗皇后吳氏。謚曰憲聖慈烈。

黜免。

殷中軍被廢在信安章

註襄前驅恐。晉書。殷浩以姚襄為先驅向洛陽。

桓玄敗後章。○大司馬咨議。時宋高祖為大司馬。○槐

樹婆娑。通鑑晉紀。陶侃曰。老子婆娑。註。婆娑。肢體緩縱

不收之貌。文選王褒洞簫賦。註。婆娑。分散也。瑣言。石晉趙

令公瑩豕。孺棗婆娑。異常望氣者云。此家有登宰輔者。後

令公大拜。芥子園畫傳。二株画法。二株有兩法。一大加小。

是為負老。一小加大。是為攜幼。老樹須婆娑多情。幼樹須

窈窕有致。如人之聚立。互相顧盼。○無復生意。樹老矣。

無復榮生。喻已失勢。觸云。婆娑。衣揚貌。蓋以喻枝葉隨風

耳。無復生意。托以言其不甘也。皆非。

註高祖以其衛從二后。高祖。宋高祖劉裕。時為晉臣。

桓玄西走留永安何皇后穆后及王皇后於巴陵殷仲文因叛玄奉二后歸建康

梁武每集文士章○曾策錦被事 就事各書出所記憶

鬪其多少曰之策事亦曰疏事隸事徵事皆同齊梁之間

多有此會齊王儉令學士隸事多者賞之人人各得一兩

物陸澄後來更出諸人所不出復各數條并舊物奪將去

之類是也此云策錦被事亦謂各書出其所記錦被事也

觸限為陳元方事誤甚陳元方遭父喪骨立其母慙之

註銜命至梁 時梁武在石頭東昏侯遇我侍中張稷

使范雲銜命至石頭○私載禁物 峻兄孝慶時為青

州刺史峻請假省之坐私載禁物為有司所奏○安成

王 武帝弟

孟浩然極為王右丞所知章○待詔金鑿 翰林志翰林

院與金坡殿相接故學士院號金鑿又曰德宗移學士院

於金鑿坡○錯愕 字典錯愕倉卒驚遽貌

令狐綯曾以舊事訪於温庭筠 南部新書綯問玉條脫

于飛卿温庭筠字飛卿對曰出南華真經非僻書奇僻也云云

王懋云南華真經無玉條脫事華陽真誥第一篇乃有之

飛卿集有題李羽故里詩尾句曰終知此恨銷難盡孤負

華陽第一篇蓋指此事

儉嗇

和嶠性至儉章○因其上直 晉書因作侯○和既得

得得此事也如汲公得此義夷然不屑之得文學中篇

司徒王戎章○契疏鞅掌 契券也疏小券也鞅掌為事

煩擾不暇作容儀也。詩小雅。或王事鞅掌。衛江州在尋陽章。○王不留行。本艸草名。時珍曰。此物性走而不住。雖有主命。不能留其行。故名。

汰侈

石崇廁章。○甲煎粉。字典。甲煎。香名。貞觀紀聞云。隋主每除夜。焚沈香數車。光暗。則以甲煎沃之。香聞數里。

武帝嘗降王武子家章。○綺襪。玉篇。襪。婦人上服。○王石所未知作。劉應登云。王石。即王愷。石崇。石一作后。非。

註襪。襪音陂。方言。鞞。自關而東。或謂之襪。

王君夫有牛章。○牛心。時重。牛心炙。見王羲之傳。

註外戚。王愷。文明皇后之弟。○捶頭欲得高百體欲得緊。觸云。謂捶之頭欲其高也。捶與捫通。按捶頭。

百體並未詳。捶一作垂。太平御覽。牛條引相牛經。有膺庭欲得廣。蘭陵欲得大。垂星欲得有怒肉等文。而並有註。此註所載亦皆有之。獨缺垂頭百體二句。殊為可憾。蓋亦膺庭蘭陵之類。

石崇為客作豆粥章。○咄嗟。字典。韻會補。嗟。子夜切音。

借同。借三蒼詁。咄嗟。易度也。猶言呼吸之間。古有咄嗟歌。世說。石崇作豆粥。咄嗟而辨。○韭菹。晉書作韭菹。菹。字典。菹同萍。○由將車人不及制之爾。晉書由御車逐之不及而反制之。

韋陟厨中飲食章。○寅緣。寅當作黃。字典。因賄干進曰黃緣。

段文昌富貴後章。○打金蓮花盆。几器。鏤金作之。謂之

打金

忿狷

桓宣武與袁彥道樗蒲章○齒不合 齒散子之眼。
王彥深不為群從所禮章

註要索 一本御覽並作要宿。言要。孔章令宿也。御覽宿下有屏人二字。是寶物也。精。御覽也。作之。精下有問答數言。經淺瀨云云。御覽經淺瀨。劍忽於腰中躍出。初出猶是劍。入水變為龍。逐而視之。見二龍相隨而逝焉。

王融自恃人地 融時為中書郎。人地。謂人才門地。
虞玩之好臧否人物章○五官 五官掾○皂莢 本州注。皂莢末。澡身面。去垢而膩潤。

梅侍讀晚年躁於祿位章○兩府 文獻通考。宋朝樞密院與中書對持文武二柄。號為二府。

讒險

盧杞忌張鎰剛直章○盧龍卒 卒當作率。率帥也。

尤悔

陸平原河橋敗章

註著衣帽 晉書著作著白恰恰同

王大將軍起事章○諸王故在門 故猶也。丞相後知周侯救已 晉書。顓既出。又上表明導。言甚切至。導後料檢中書故事。見顓救已表。而流涕不自勝。

註近日之言 事見方正篇

王大將軍於衆坐中日章

註馬頭被殺 晉書馬於博頭被殺

桓公初報破殷荆列 報怨破之故曰報破

註道人竺僧慳 觸云慳當作潛屬下句或以為僧名

非是。○按慳俗慳字。韻道人之名。太平御覽引許氏志

怪。沙門竺僧瑤得神符。此曰道人竺僧慳瑤慳皆其名。

陸鴻漸與常伯熊皆精茶理章。○臨懷縣 事文類聚懷

作淮。○左右刮目 觸云刮目猶云霎時也。刮摩切也。○

按刮目猶拭目也。吳志魯肅過潯陽與呂蒙議論大驚曰

卿今者才畧非復吳下阿蒙。蒙曰士別三日即更刮目相

待。大兄何見事之晚乎。典畧揚脩書觀者駭視而拭目。唐

書溫彥博進止詳華。人皆拭目。○酬博士 事文類聚博

上有煎茶二字

註都統籠 花鏡午後攜都統籠向古松懸崖間敲冰

煮建茶。按陸羽茶經有都籃以悉設諸器名之。此言都

統籠蓋即此爾。

紕漏

任育長年少時章。○王丞相請先度時賢 句 共至石頭迎

之 言王導請勸先是所渡江之時賢與之共至石頭而

迎任育也。本多以度字為句。非。○覺有異色 茶經任育

長覺人有怪色。○嘗行從棺邸下度 郡國朝宿之舍在

京師者率名邸。言任瞻嘗行從棺之度于邸下也。觸云此

蓋歸葬者寄逆旅而育長適過其下也。甚迂。

王大喪後章。○喚綱紀話 晉明帝太寧二年詔王敦綱

紀除名。參佐禁錮。通鑑注綱紀綜理府事者也。參佐諸僚

屬也。綱目注。綱紀。別駕治中之類。杜祐通典。從刺史行部。別駕。居治事。主。衆曹。故謂之治中。

別駕。居治事。主衆曹。故謂之治中。

註中詔 胡三省通鑑注。詔出於禁中之意。曰中詔。

虞嘯父為孝武侍中章。○謂帝望其意氣。 觴云。意氣快

豁也。○按王符潛夫論。百姓廢桑而趨府庭者。非朝脯不

得通。非意氣不得見。訟不訟。輒連月日。舉室釋作。以相瞻

視。辭人之家。輒請隣里應對送餉。此事訖竟。以一歲功。漢

書宣帝紀。飾厨傳稱。過使客註。修飾意氣。以稱過使。註。韋昭

通鑑晉紀。慕容寶勸其父垂。殺符堅曰。願不以意氣微恩

忘社稷之重。註。意氣微恩。謂符堅厚禮垂父子也。此云帝

望意氣即此。○蟹魚蝦鮓。 蟹音制。魚名。可為醬。異魚圖

贊。蟹魚之味。其美在額。臨海異物志。蟹魚至肥。炙食甘美。

諺曰。寧去累世田宅。鮓字之訛。與鮓同。本州南人多以

蝦為鮓。又博物志。鮓。魚名。水母也。

祖孝徵放縱不羈章。○銅壘 未詳

註金叵羅 野客叢書。金叵羅。蓋酒器也。然觀祖珽事。

髻上豈可以置酒器乎。黃朝英亦有是疑。

紹聖間 紹聖。宋哲宗年號

註安石惠卿 王安石呂惠卿。○遂罷保甲團教不復

置保馬 宋神宗熙寧三年。王安石言。今欲公私財用

不匱。為宗社長久計。當罷募兵。用民兵。乃立保甲法。十

戶為保。五保為團。熙寧五年。又立保甲養馬之法。謂之

保馬。○熙豐 熙寧。元豐。並神宗年號。

金主亮南侵章。○生兵 生。生熟之生。生兵。新兵也。

惑溺

郭氏酷妒章○鳴之 鳴。嘔吐慈愛之聲。晉書作拊之。

註 愍懷 惠帝長子

謝太傅劉夫人性忌章○方便 遊仙窟多用方便字。此

蓋同意。遊仙窟。女人羞嫁。方便待渠招。又曰。定知心肯在。方便故邀人。○相為耳 為去

聲。妒記相上有乃字。○周姥 觸云。姥。女師也。○按姥。老

女之稱。不獨女師。周姥。謂周公之妻也。

韓壽美姿容章○青璅 觸云。青璅。宮門刻為連環文。以

青塗。此天子制。克隆寵。特賜此制。○按璅同瑣。此云青瑣。

謂窗也。後漢梁冀傳。窗牖皆綺疏青瑣。妒記。王丞相夫人

於青疏臺中望。書叙指南。青飾窗曰青瑣。類書纂要。賈充

女於瑣窓窺見韓壽。是也。

劉道真子婦始入門章○遣婢虔 虔。告虔也。魯語。婦。贄

不過棗栗。以告虔也。註。棗取。蚤起。栗取。敬栗。虔。敬也。○聊

之 聊與撩通。挑弄也。

劉邕愛食瘡痂章○味似鰓魚 鰓。或作馥。非。廣韻。鰓。無

鱗有殼。一面附石。細孔雜雜。或七或九。

註 灸瘡 灸。或作疚。非

玄宗不好琴章○花奴 汝陽王璣。小名

註 研絹帽子 仇池筆記。舞者帶研光帽。帽上簪花。羯

鼓錄。檉花一朵。置於帽上。二物皆極滑。久之方安。遂奏

舞山花一曲。不墜。二物。謂研絹帽及檉花也。玉篇。研。光

石也。

宋子京多內寵章○半臂 觸云。襯衣也。○按半臂。上着

者。後漢光武紀。諸子繡襦。註。字書無驅字。續漢書作襦。諸子。上加繡襦。如今之半臂也。事物紀原。隋大業中。內官多服半臂。除却長袖也。唐高祖減其袖。謂之半臂。今背子也。江淮之間。或曰綽子。士人競服。隋始制之也。

米元章在真列章

註三館 函史人官考。宋制。史館昭文館集賢院為三

館

仇隙

隙古字

獻帝嘗晏見孔文舉與邠鴻豫 語林晏見作宴見是也。謂宴間之時入見也。出前漢京房傳。

註彭寵傾亂起於朱浮 後漢書。幽州牧朱浮與漁陽太守彭寵有隙。數譖寵。寵遂發兵反。攻浮於薊。○鄧禹

威損失於宗馮 後漢書。大司徒鄧禹令將軍馮愔宗

歆守柁邑。二人爭權。愔遂殺歆。因反擊禹。自此之後。禹

威名稍損。○寇賈倉卒武夫。屈節崇好。 後漢書。執金

吾賈復部將殺人於潁川。太守寇恂戮之。復以為耻。欲

殺恂。恂知之。不欲與相見。姊子谷崇曰。崇將也。得帶劍

侍側。有變。足以相當。恂曰。不然。昔藺相如不畏秦王而

屈於廉頗者。為國也。帝聞徵恂時。復先在坐。欲起避之。

帝曰。天下未定。兩虎安得私鬪。今日朕分之。於是並坐

極歡。遂共車同出。結友而去。○光武不問伯升之怨

後漢書。光武帝兄續字伯升。威名甚盛。更始忌殺之。帝

馳詣謝罪。不敢為兄服喪。飲食言笑如平常。更始以是

慙。以帝為破虜大將軍。○愛護相攻 孔融傳。護作惡

○榆次之辱 荆軻事見史記○貶滅 孔融傳滅許
 毀○酒酸 宋人沽酒狗猛而酒不售故酸見韓子○
 巨瓠 齊處士田仲不特仰人而食無益人之國宋人
 屈穀譬之堅瓠見韓子○趙衰之拔卻穀公叔衛大夫
 子之升臣升家臣並見左傳○懿伯之忌 見禮檀
 弓

孫秀既恨石崇不與綠珠章○投分寄石友 分去聲李
 善註分猶志也阮瑀為魏武與劉備書曰披懷解帶投分
 記意一說分義也周瑜與魯肅結僑札之分是也石友
 猶石交也史記燕秦謂齊王曰此弃仇讎而得石交者
 王東亭與王孝伯語後漸異章

註欲斬國寶 時孝武晏駕王國寶為司馬道子謀事

王恭欲誅之○胡廣 後漢人周流四公司空司徒歷

事六帝安順冲質桓靈溫柔謹慤常遜言恭色以取媚於時無

忠直之風

王孝伯死章○大桁 即朱雀橋跨秦淮水

註於載出都面相折數 於一作與或作欲晉書湖濱
 尉收恭以送京師道子聞其將至欲出與語面折之而
 未之殺也時桓玄等已至石頭懼其有變乃於建康倪
 塘斬之○西軍 桓玄楊佺期等與王恭同反謂之西
 軍○東桁 在國之東故曰東桁

王大將軍執司馬懿王章○世將 王廙表字

謝玄暉頗輕江祐章

註帶二江之雙流 雙一作風非左思蜀都賦帶二江

之雙流抗峨眉之重阻。此以二江比江祏兄弟。雙流。劉涇。劉晏。劉流音同。○東昏。齊主東昏諱寶卷。明帝子。○始安王。名遙光。齊高帝兄子。○居卿。今地。劉暄時為散騎常侍右衛將軍。

顏平原不容於盧杞章。○嬰然。驚遽貌。

註父子三繼清節不易。盧懷慎清儉。二子奕奕並清廉。

世說新語補考卷下終

題世說新語補考後

予常閱稗官之書。多瑣碎猥鄙奇僻。滛褻。好說鬼談怪者。然至俗所尚。時所好。或正史所不載。則博物士於斯焉。考若畫出彼一種風流。而隱映道上。情狀躍然於前。使人不覺拍案驚起者。則

特世說有焉。然以放蕩縱誕。一為君子事者。固不論。以經典規之。則太害世教。以史載較之。則頗益考證。以文字論之。則言韻詔致。俾讀者頓有風雲之想也。如其得失。蓋存讀者矣。友人桃子深夙好之。翫不釋。至其澁險難會。雖古人所不強解者。常比

類校證。得通快者。亦不寡。今錄成卷。公之同好。子深博物而好此書。其志亦可知也。

辛巳之冬

讚藩中村文輔



寶曆十二壬午歲三月

東洞院通夷川上町

林 九兵衛

間之町通御池上町

林 權兵衛

二條通衣棚角

風月庄左衛門

京師 書林

清言理德。操柔皆存。其人。碎之。為。業。擊。
 而。斜。飛。正。射。緩。急。舒。感。不。可。形。志。而。寫。
 之。空。也。若。弓。彩。白。點。而。不。周。意。一。呼。一。吸。寸。心。
 在。古。操。特。袖。操。唯。而。北。多。習。者。古。株。味。在。
 活。是。所以。能。解。也。抵。氏。不。深。也。悅。考。其。子。
 為。七。子。一。經。遠。播。幽。前。昭。揮。釣。之。愈。泥。躬。
 之。而。多。之。獲。技。乎。未。經。操。者。之。非。謹。在。何。
 矣。回。身。之。強。健。不。通。難。解。更。又。侵。謙。互。用。難。而。
 之際。獨。了。如。入。其。為。津。筏。於。子。海。不。忘。

多乎。年。言。有。志。出。世。願。捐。之。後。始。後。會。
懶。相。謀。未。果。本。事。一。以。免。此。刻。毒。名。如。何。華。
廣。中。郎。曰。昔。未。讀。此。書。吾。嘗。信。至。理。如。此。
今。見。之。正。與。人。言。同。上。承。相。曰。元。初。為。事。
在。南。中。一。道。第。以。此。為。此。書。為。
其。曆。五。年。之。秋。

西樵晚學那波師曾影

14.24

